



Synfocity = 845

mail us at : mzsynfo@gmail.com; mizoramsynod@gmail.com - Phone - 2314648

June 16, 2022

- ☐ **Synod Hruaitute leh Former Legislators Association of Mizoram (FLAM) hruaitute inkawm**
 June 13, 2022 (Thawhtanni) khan Synod Committee Room-I-ah Former Legislators Association of Mizoram (FLAM) hruaitute chuan "Nakkum (2023) November thlaa MLA inthlan lo awm turah Inthlanna thianghlim a awm theih nana hmalakho dan tur sawipuiin Synod hruaitute an kawm a. Inthlanna dik, felfai leh thianghlim a awm theih nan Political party zawng zawng te, MPF te, Kohhran leh NGO zawng zawng ten politics khelh dan dik lo leh thianghlim lo kan dodal theuh theih nana lungrual taka ke pen ho an duh zia uar takin an sawi tlang a. Sawi theihna (platform) awm remchanna theuhah sawi thin turin an inchah a ni."
 FLAM hruaitute hi an President Pu Liansuama leh General Secretary Pu T.C Pachhunga hovin mi 6 an tel a, an inkawm khawmna hian rah tha chhuah se an duh thu an sawi.
- ☐ **Global Chin Christian Federation (GCCF) hruaituten Synod Hruaitute an kawm**
 June 13, 2022 (Thawhtanni) khan Global Chin Christian Federation (GCCF) hruaitu pahnih Rev. Indiana Salai Chung, Chin Executive Director, GCCF, Canada leh Rev. Dr. Hla Dung, Executive Secretary, GCCF-te chuan Synod Hruaitute rawn kawmin Mizoram Synod-in nikum leh kumin 2022-a Rs. 40,00,000/- laia Myanmar ralhlante a lo tanpui avangin lawm thu an sawi a. Heti taka Mizoram mipuiten Myanmar ralhlante an ngaih sak leh tanpui nana an insenso nasatzia an hmuh hian "Lawmthu kan sawi lo thei lo a, chu chu Mizorama kan lo kal chhan pawh a ni" tiin Mizoram mipui zawng zawng chungah lawmthu an sawi nghal a ni.
- ☐ **Synod Higher Secondary School-in zirlai ti tha chawimawi**
 June 10, 2022 (Zirtawpni) chawhnu dar 1 khan Synod Higher Secondary School chuan kumin a HSLC leh HSSLC-a zirlai ti tha te chawimawina hun (Felicitation Programme), Multipurpose Hall-ah an hmang.
 Programme hi Pu Lalremchhunga Pachuau, Class X Coordinator-in a kaihrui a, Pu Lalsiammawia Fanai, Class IX Coordinator-in hunserh a hmang. Pi Zirkungi Chhakchhuak, Principal, Synod Higher Secondary School leh Pu Lalbiakthanga Kiangte, President, Synod Higher Secondary School Alumni Association hnen atangin thusawi ngaihthlak a ni a, zirlai atangin Ruth Lalrammuani a zai bawk. HSSLC (Arts) Topper Lalrohlui Ralte biangbiakna leh zirlai dangte atangin thusawi ngaihthlak a ni a. Zirlai ti tha te hi Synod Higher Secondary School leh Alumni Association hmingin thilpek hlanna hun hman a ni.
- ☐ **Synod Mission Board leh ram pawn chet velna**
 ♦ **Masihi Sangati Evangelist tihchhuah inkhawm neih a ni**
 June 12, 2022(Pathianni) chawhnu dar 1:30 khan Masihi Sangati Kendra Chapel, Bawngkawnah Masihi Sangati Kendra hnuaiaw thawk tur (Evangelist, Gospel Team) lak thar mi 8 tihchhuahna hun hman a ni. Tihchhuah inkhawm hi Synod Mission Board Secretary Rev. R. Lalhmingsanga'n a kaihrui a, Mission Board Coordinator Upa Lalbiakenga Fanai-in inhmelhriattirna hun a hmang a, Rev. Dr. K. Lallawmzuala, Executive Secretary i/c Mission-in tihchhuahna a nei a, Pathian thuchah sawiin "Pathian rawngbawl lo tur hian chhuanlam a awm thei lo" tiin a fuih a ni. Upa Lalzamlia, BEC member-in tanngtaisakna a nei a, Rev. Zochhuanmawia, Director, Masihi Sangati Kendra-in lawmthu sawiin Rev. F. Lalrinnunga, BEC member-in malsawmnain inkhawm a tin a ni, he hunah hian Synod Mission Choir te tum hnih an zai bawk.
 Tihchhuah inkhawm hi hrileng vangin kum 2 chung (2021 & 2022) chu Biak Inah pangngai takin hman theih a ni lo va, tunah hian Masihi Sangati Kendra hnuaiaw thawktu tihchhuah tharte nen mi 219 an awm a, ringthar neih kawngah pawh an thawh hlawk hle a ni. Board Executive Committee (BEC) chuan Aizawl khawpui chung kohhranah Masihi Sangati rawngbawlina pawimawhzia 'Awareness Campaign' nei turin ruahmanna a siam tawh a, Campaign-na tur Kohhran leh campaigner tur pawh thlang tawhin kohhran 60 chuang a thlang fel tawh a ni.

◆ **Jharkhand Mission Field**

June 4, 2022 (Inrinni) khan Lakhanpur Kohhran, Kathikund Pastor Bial a mi chu Field Secretary-in a hawng a, hemi ni hian ringthar 3 Lal Isua zui turin an inpe bawk. Lakhanpur Kohhranah hian Member 43 awmin ringtu In 10 an awm mek a ni.

June 12, 2022 (Pathianni) khan ringthar 1 Lal Isua zui turin a inpe a. Roman Catholic Kohhran ațangin mi 2 leh Northern Evangelical Lutheran Church (NELC) Kohhran ațangin mi 1 kan Kohhranah an inpe bawk.

◆ **Nepal Mission Field**

June 12, 2022 (Pathianni) khan ringthar 2 Lal Isua zui turin an inpe.

◆ **Masihi Sangati**

June 12, 2022 (Pathianni) khan Aizawl West II Presbytery Masihi Sangati Meet-ah ringthar 62 Lal Isua zui turin an inpe.

◆ **Arunachal & Assam Mission Field (West)**

June 12, 2022 (Pathianni) khan ringthar 12 Lal Isua zui turin an inpe a, June 16, 2022 (Ningani) khan ringthar 4 Lal Isua zui turin an inpe bawk.

◆ **Arunachal & Assam Mission Field (East)**

June 12, 2022 (Pathianni) khan ringthar 2 Lal Isua zui turin an inpe.

□ **Synod Bookroom Conference 2022**

Synod Bookroom chuan kumtina an lo tih thin Synod Bookroom Conference 2022 chu June 16, 2022 (Ningani) hian Synod Office, Devotion Hall-ah an hmang a, Mizoram puma Synod Bookroom thawktute an kal tha hle.

Conference hi zing dar 10-ah Upa H. Ronghaka, General Manager, PRESCOM chuan hawngin inlawmna thu a sawi a. Chawhma hunah Pu Vanlaltirha, Stock Supervisor, Synod Bookroom-in kaihruiin Pi Rosy Lalhmingmawii, Accountant chuan Bookroom sum dinhmun report a pe a. Report ațanga a lan danin kum kalta khan Synod Bookroom hian Covid-19 hripui karah dawr hawn mumal theih a ni mang lo chungin Rs. 11,44,80,949.00 lai a thawk chhuak a. Pathian awmpuina leh Kohhran mipuite thahnemngaihna azara hetiang zat an thawk chhuak thei hi Synod Bookroom chuan lawmthu a sawi a ni. Pu Lalniliana Manager, Synod Bookroom chuan kum hmasa Bookroom Conference-a thurelte bawhzui a nih dan leh tihhlawhtlin a nih dan chi hrang hrang report a pe a. Hei bakah hian Financial Year thara Synod Bookroom budget Rs. 14,40,00,000.00 chu a pharh nghal bawk.

Chawhnu lamah Upa H. Ronghaka, General Manager, PRESCOM-in kaihruiin Mizoram puma Branch hrang hrangte ațangin report leh rawtnate ngaihthlak a ni a. Kum kaltaa Bookroom rawngbawlina hrang hrang thlirletna leh sawizauna neih a ni a, Pu Lalniliana Manager, Synod Bookroom-in Monthly Operation Review khaikhawmna a nei bawk. Operation review-a a lan danin 2021-2022 khan Synod Bookroom chuan School mamawh hralh vak lo mahse mipuiin lehkha an chhiar nasain lehkhabu an hralh that thu te, lehkhabu thar a chhuah tam thu a sawi a.

Hun thumnaah Pu Lalniliana Manager, Synod Bookroom chuan PRESCOM Manual 2022-a thil thar leh hriat ngaite kalkhawm te hrihlin; Zemabawk Branch thar hawn a nih thu te, Hnahtial-ah Branch thar hawng tura hmalak mek a nih thu leh Khawzawlah Branch thar hawn Board-in a remtih tawh thu sawiin hun a khar a ni.

Tun dinhmunah Synod Bookroom hian Branch 15 zet neiin Distribution Centre 44 a nei mek a. Nuai 911 zet senna tur Headquarters Office, Mission Veng ami chu sak mek a ni bawk.

□ **Synod Revival**

June 7 - 11, 2022 chhung khan Rangvamual-ah Home Crusade-in hun an hmang.

□ **Social Front**

◆ June 18 & 19, 2022 hian Kawrtethawveng-ah Moral Reform & Social Media Seminar & Campaign nei turin Resource Person-te Rev. Lalrinmawia, Rev. Dr. Malsawmzoliana leh Rev. Rosiamliana Tochwawng te an kal ang.

◆ June 19, 2022 (Pathianni) hian Hlimen Damveng Kohhranah Social Front Campaign turin Pu R. Lalnuntluanga, Coordinator a kal ang a, Edenthar Kohhranah Rev. Dr. B. Lalnunzira a kal ang.

□ **MSSU**

June 17 - 19, 2022 chhung hian Bairabi Bial NPSS Zirtirtu Training neihpui turin Trainer te - Upa K. Vanlalnghaka, Upa C. Lalbiaksanga leh T.Upa Lalthanchhunga te an kal ang.

- ❑ **Synod Prison Ministry**
June 18 & 19, 2022 hian Kolasib-ah Synod Prison Ministry District committee intuaitharna leh District Jail-ah te hun hmang turin Director Rev. Lalhmuchhuaka leh Lalrempuia, Speaker te an kal ang.
- ❑ **Hruaina Eng FM Radio :**
JUNE 17, 2022 (Zirtawpni) (FM Zoawi - Aizawl & Lunglei @ 7:30 p.m.):
Solo : Joy Zairemmawia - Ka zai chhan, **Zaipawl :** Saitual Bial Zaipawl - Buaina khawvel, **Thusawi :** Pu Lalromawia - Pathian biak inkhawm zaia mipui mawhphurhna, **Solo :** Lalhmingliana Chhange - A paw ngei ang, **Zaipawl :** Ramhlun Bial Zaipawl - I ta ka ni
- ❑ **Susamachar Prasaran Programme :**
JUNE 19, 2022 (Pathianni) 5:00 pm. :
Group/Choir/Solo : Lunglei Area Masihi Sangati - Prabhu, **Group/Choir/Solo :** Chhinga Veng Bial Masihi Sangati Zaipawl - Tere Pass, **Sermon :** Rev. Vanlalbela - Parmesuar ka vachan zivit hai, **Group/Choir/Solo :** Central PYF Choir - Krus Par, **Group/Choir/Solo :** Kawngkharawii - Vandana
- ❑ **Moderator leh Executive Secretary-te Programme:**
Rev. Dr. Vanlalnghaka Ralte : Moderator
June 19, 2022 Chawhma - Khatla South Kohhran
Chawhnu - Khatla North Kohhran
Zan - Ramhlun East Kohhran
June 20, 2022 Worship Committee
June 22, 2022 Synod Revival Speakers Retreat
June 23, 2022 College of Nursing committee
Rev. C. Zoramawia : Senior Executive Secretary
Zin programme nei lovin Office-ah a awm ang.
Rev. V.L. Luaia Hranleh : Executive Secretary
June 17 - 19, 2022 Retreat Bungtlang Bial
June 21, 2022 Central Kohhran Hmeichhe committee
June 23, 2022 College of Nursing committee
June 26, 2022 Saron Veng Kohhran
Rev. Dr. K. Lallawmzuala : Executive Secretary
June 21, 2022 MPF BEC
June 22, 2022 Synfo committee
June 23, 2022 Synod Revival Speaker Retreat
June 26, 2022 Dawrpui Kohhran - Social Front programme

HNA RUAK DIL THEIH

Mizoram Presbyterian Kohhran hnuaiah **Mizoram Christian College (MCC)**-a Contract-a thawk turin a hnuaia department tarlanahthe hian **Assistant Professor (Contract)** hna a ruak a, UGC Norms 2018-in a sawi ang thiamna neite tan dil theih a ni ang. Diltu chu zuk leh hmuam leh ruihtheih thila fihlim an ni tur a ni. Hna dilna Form chu 16.6.2022 (Ningani) atangin Synod Office (Aizawl leh Lunglei)-ah lakchhuah theih a ni ang. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh tihlan a ni.

English - 2	Mizo - 1	Political Science - 1
Sociology - 1	Public Administration - 1	Commerce - 2
Management - 2		

Hlawh : Rs. 50,000/- fixed
Dil theih hun chhung : Dt. 14.7.2022 (Ningani), tlai dar 3 thleng
Interview hun : Dt. 21-22.7.2022, 10:00AM - 5:00PM

Sd/-, Rev. C. Zoramawia
Secretary, Synod Service Board
Synod Office

HNA RUAK DIL THEIH

Mizoram Presbyterian Kohhran hnuaiiah *Mizoram Christian College (MCC)*-a Contract-a thawk turin a hnuaiia hnate hi a ruak a, kum 18-35, ni 22.7.2022-a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Hna dilna Form chu 16.6.2022 (Ningani) ațangin Synod Office (Aizawl leh Lunglei)-ah lakchhuah theih a ni ang. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh tihlan a ni.

1. Hna hming : **Laboratory Assistant, Post - 1**
Thiamna : HSSLC or Equivalent
Hlawh : Synod hnuaiia Contract Laboratory Assistant te hlawh
2. Hna hming : **Office Assistant (Library), Post - 1**
Thiamna : HSLC of any recognised board with a fiar knowledge of computer
Hlawh : Synod hnuaiia Contract Office Assistant te hlawh

Dil theih hun chung : Dt. 14.7.2022 (Ningani), tlai dar 3 thleng

Screening test/exam : Dt. 16.7.2022 (Inrinni), 10:00am

Interview hun : Dt. 22.7.2022, (Zirtawpni)

Sd/-

Rev. C. Zoramawia
Secretary, Synod Service Board
Synod Office

ADVERTISEMENT

Synod Multipurpose Training Centre (SMTC) chuan Vocational training trade hrang hrangah training a kalpui mek reng a. A hnuaiia trade tãrlanteah hian kumin 2022 August thla ațangin Session hnihna a țan leh dãwn a. Chuta zir duh tũrte tân dilna hun hawn a ni ta a. Hemi chungchãnga hriattũrna hi Kohhran tinah puanzãr tũra thawnchhuah a ni a, Official lehkhã hmu lo emaw, hre lo tân pawh local TV leh Internet hmanga media hrang hranga tihchhuah te hi official-a ngaih bawk tũr a ni ang.

<i>S/N</i>	<i>Training tũr Trade</i>	<i>Course rei zãwnng</i>	<i>Seat awm zãt</i>
1.	Diploma in Computer Application (DCA)	Thla 6	20
2.	Beauty Culture	Thla 6	6
3.	Mobile repairing	Thla 6	6

Hriattur pawimawhte:

1. Dilna hi plain paper-a thehluh tũr a ni a, Ni 15 July, 2022 aia tlai lovah SMTC Office-ah thehluh tũr a ni.
2. Dilnaah hian Kohhran lehkhã thil tel ngei tũr a ni.
3. Interview hun: Ni 20 July, 2022 (Nilaini) - 10:30 am
4. Interview-na hmun: SMTC, Mission Vengthlang
5. Mamawh zual bĩkte tân Hostel a awm ang.

Sd/-

Rev. V.L. Luaia Hranleh
Executive Secretary i/c SMTC
Synod Office; Aizawl